

# Byincao: Qho: Ra" Qug

A companion mouse



Lhaovo



# Byincao: Qho: Ra" Quq

## A companion mouse

Tung" - Sam Laung

Sulho - Ye Ka Lin

Qao: Tae Myan" - Wa

Dao: Phaug' Myan" - Lhaovo

Dao: Phaug' - Zakhaung: Zau Tong:

Be; Thug' - Saoqhid' lhang

Ba na - Sept, 2021

Author : Sam Laung

Illustrator : Ye Ka Lin

Original Language : Wa

Translated Language : Lhaovo

Translator : Zahkung Zau Tawng

Edition : Test Edition

Date : Sept, 2021

Lhaovo

Myanmar

Copyright © 2021, Lhaovo Bible Translation Committee (LBTC-KBC) and NTC



<http://creativecommons.org/licenses/by-nc-sa/4.0/>

You may not use this work for commercial purposes. You may adapt and add to this work, but you may distribute the resulting work only under the same or similar license to this one. You must keep the copyright and credits for authors, illustrators, etc.



Ganhae" qug qe na: ra" mung"dan: dalam:  
jo; ga". Ai: mung"dan: re eib: ra" Kho:kham  
Pho" wa yao" ra" mung" byu qug qere gyai  
jhid' de, mung: yao" qug qere: yao: re gyai jhid'  
de, ko" ga". Aimung: qug Kho:kham Pho" mae  
yao: gyai jhid' de; ra" yao: zo: myiqe: nau" re:  
na: ga".



Daba re Kho:kham Pho" wa yao: dayaug za:  
mung"dan: khug cao" qu" lhang: qin" re khyo  
kao: dalam: mae qug myhi" we' qug nau" jham  
re the' myao: ke' ga". Ai: au: qug myhi" wa  
(ngonhaung" re khyad' yu la, wo". Seyo mae"  
qaung wa ngonhaung" qhid' mae" zo qho ye"  
lo" ra" ngonhaung" yao: pho" re bin: zo" pye'  
va". Kho:kham Pho" we"- ngonhaung" re  
khyad' yu shila, wo") ein: ngug mung: ta" ra"  
ga".



Aire the' gyo: lao" Kho:kham Pho" wa myid magyo" pyo: mung: yao" qug gyezo: qere seyo mae" qaung re qo" sho' yetaung: nae" we' dang: jo; ra" qug nau" jham re dam: mazo" pye' sho' lhaug' zaung" nae" qhid' mae" pyang: ke' ga". Airu: yao" mung"dan: ayaug: mayo mung: yab mamyan- zo: mamyho' mung: na: ra" Kho:kham Pho" re yao: zo: myiqe: nau" wa (nga" pho" we"- pe" nam re myid myo" na: i"? Ngo qo" bao" nae" ja: ngad: laug ta" kyo: la,?) ein: ta" ga". Alao" Kho:kham Pho" wa (Nga" zo: we"- nga" pho" mashid shi: re ngorhaung" amyu" mae" qam: je: bo: thao" yaug we' ug' khug' vai" byid: nug:) ein: ta" ga".



Ngad yang: re: yao: zo: wa yao" qug amyu"  
we' ug' khug' manug: vai" yang: gatau: amyu"  
mae" qho: yu nae" ein: akhang" mho' ga".  
Kho:kham Pho" re: myid vang" ra" mathao-  
thao: ba re lapa pho" jhao" ye: mung: (ce: mug:  
myid mae qam: bo: thao" wa khag' ngad: ra")  
ein: yemyid' ga". Alao" lapa wa (ce: mug: myid  
mae qam: bo: thao" wa Ba ngad: ra") ein: dam:  
ta" ga".



Aimung: Kho:kham nau" wa Ba jhao" dam:  
ye" ga". (*Nao wa ce: myid gye, mae qam: qi"*  
*thao" i"??) ein: myid' re Ba wa (*mangad: wo*".  
*Nga" tho' qam: je: qi: yaug na:.. Yao: nga"*  
*myo,nho re go: pye' lao" ce: myid gye, wa mug:*  
*cad' lo" va". Yao: wa Jham ngad: ra") ein: ta"*  
*ga"*.*



Aimung: Jham jhao" dam: ye" ga". (*Nao wa ce: myid gye, mae qam: qi" thao" ngad: i"?*) ein:  
myid' re Jham wa (*ngo mangad:.. Nga" tho'*  
*qam: je: qi: yaug na:.. Yao: wa La ngad: ra". La*  
*she, ngo re ahug' ke' ngad: re ngo re: qhui" lo"*  
*ca: va". Yao: wa ngo re bam dao hug' tao" ke'*  
*bam gyid' hug' khyo" ke' mung: qo" kad' ra".*  
*Dalhang lhang ngonhaung" yao: cao: lhaoo"*  
*lhaung" jho" nhai" ra". Ai: mathao qam: qi"*  
*thao" wa La ngad: ra") ein: dam: ta" ke' ga".*




Alao" yao: wa La jhao" dam: ye: mung: (nao wa myid gye, mae qam: je: qi" thao" mangad: la,?) ein: yemyid' ga". Aire La wa (O"... ngo mangad: wo". Nga" tho' qam: je: qi" ru wa Bam ngad: ra". Yao: she, ngo ye: nae" khyo mae xug' to" ngad: re ngo re: khoru: magai: kad'- magai: ye: lo:. Yao: wa ngo re qam: nang: sho' qo" kad' ra". Aimung: nao Bam jhao" aye: wa, lhe") ein: dam: ta" ke' ga".




Alao" yao: wa La ta" ru we' dakhyo: Bam  
jhao" dam: ye" ga". Bam re: yao: re (*ngo wa*  
*qam: qi" thao" yaug mangad:*. *Nga" tho' qam:*  
*qi: yaug wa Nung: ngad: ra*". *Yao" khyug: yang*  
*ngo re thaung" ke' lao" ngo bai" lo" lo" mung:*  
*ra*". *Aimung: nga" tho' qam: qi: yaug wa Nung:*  
*ngad: ra*") ein: dam: ta" ke' ga".



Alao" yao: wa Nung: jhao" dam: ye" ga".  
Aire Nung: wa (qam: qi" thao" wa ngo mangad:  
va" re. Qam: qi" thao" wa taui: ngad: ra". Yao"  
yang ngo re taui" to: lao" ngo pe" maqo" kad'  
lo:. Yao: lao" ke' ra" khyo cao" ca: va". Aimung:  
ngo mau" re: gyai kad' ca". Dalhang lhang ngo  
re sag' ngad mae taui" to: lao" ngo khai: maqo"  
ye: lo:. Ai: mathao qam: qi" thao" wa taui:  
ngad: ra") ein: ta" ga".



Alao" yao: wa taui: jhao" ye: mung: dam:  
yemyid' ga". Aire taui: wa (*pe" ga: ba: ngad*  
*nae*". *Nga" tho' je: qam: qi" ru wa Qu*g *ngad:*  
*ra*". *Yao: ngo re cebin: lao" ngo byid: lo" va*".  
*Yao: wa ngo re atam" adau boe" sho' qo" bin*"  
*phyid' ra*". *Aimung: nao Qu*g *jhao" she, aye:*  
*wa,) ein: dam: ta" ke' ga*".



Aimung: lo" thao" re yao: wa yao" Qug  
yham khyo za: dam: lo" mung: yao: pho" myid  
vang" to" ra" qug we' za: ug' khug' vai" byaug:  
ga". Qug Kho:kham Pho" re: gyai ngaui mung:  
yao" qug jham alhab' re khai yang: poe aqi:  
amao yao: kad' byid' ga". Ai: myi re qug jham  
alhab' wa zo: ca" gu: zo:- shaug' ca" gu:  
shaug' mung: gyai yao: pyo: vako" ga".  
Aimung: ana" ba joe" sho' qug jham wa myi"  
ayo, lao" zo: shaug' qho zo: du" qin" ko" ru  
ngad: ga".



